

17-2-1059

Ո Ր Ո Շ ՈՒ Մ

22-02-18


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

22.02.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Միսակ Սիմոնյանի դիմումի շուրջ ստեղծված նյութերը,

Պ Ա Ր Զ Ե Ց Ի



2018թ. փետրվարի 5-ին Երևան քաղաքի Ծ.Իսակովի 42-2ենք 11 բնակարանի բնակիչ Միսակ Սիմոնյանը դիմումով հայտնել է, որ ստացել է վարչական տույժ նշանակելու մասին ԱԴ թիվ 438523 որոշումը, որի հետ համաձայն չէ, քանի որ ինքը մուտք է գործել օդակածն երթևեկության խաչմերուկ և պարտավոր էր ազատել այն, սակայն տեսուչը պնդել է, որ, անգամ այդ պարագայում, պարտավոր էր զիջել գլխավոր ճանապարհով երթևեկող տրանսպորտային միջոցին:

Դիմումի ուսումնասիրությամբ պարզվել է, որ 27.01.2018թ. ժամը 14.55-ին Երևան քաղաքի Րաֆֆու փողոցում քաղ.Միսակ Սիմոնյանի կողմից վարած «Վոլկսվագեն» մակնիշի 33 SV 501 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-րդ սպայական գումարտակի 7-րդ սպայական դասակի տեսուչներ, ոստիկանության կապիտան Դ.Ավալյանի և ոստիկանության ավագ լեյտենանտ Յ.Սիմոնյանի կողմից՝ ճեկ-ի խախտման համար, այն է՝ վարորդը, «Զիջեք ճանապարհը» ճանապարհային նշանով կահավորված ճանապարհով երթևեկելիս, չի զիջել ճանապարհը հատող ճանապարհով ընթացող տրանսպորտային միջոցին: Վարորդի նկատմամբ կազմվել է վարչական իրավախախտման վերաբերյալ արձանագրություն և համաձայն ՀՀ ՎԻժ օրենսգրքի 124-րդ հոդվածի 1-ին մասի, կայացվել է ԱԴ թիվ 438523 որոշումը՝ 5.000 դրամ տուգանելու մասին:

Ըստ ծառայողների գրավոր բացատրությունների՝ Րաֆֆի-Ա.Բաբաջանյան փողոցների խաչմերուկի շրջանաձև երթևեկության հատվածում նկատել են, որ Րաֆֆու փողոցից նույն խաչմերուկ մուտք գործող «Վոլկսվագեն» մակնիշի 33 SV 501 հաշվառման համարանիշի ավտոմոբիլի վարորդը, չենթարկվելով «Զիջեք ճանապարհը» ճանապարհային նշանին, շարունակեց երթևեկությունը: Սահմանված կարգով կանգնեցնելուց հետո տեսուչ Սիմոնյանը մոտեցել է վարորդին, ներկայացել, հայտնել կանգնեցման պատճառը և պահանջել է փաստաթղթերը: Վարորդն ի սկզբանե չի ընդունել իր կողմից իրավախախտում թույլ տալու փաստը: Վերջինիս առաջարկվել է ծառայողական ավտոմոբիլում դիտել իրավախախտման վերաբերյալ տեսագրությունը, սակայն նա հրաժարվել է: Հաշվի առնելով, որ խախտումն եղել է ակնհայտ, պարզ տեսանելի և անմիջապես տեսուչների տեսադաշտում՝ Միսակ Սիմոնյանի նկատմամբ կազմվել է վարչական իրավախախտման վերաբերյալ արձանագրություն, որից հետո վերջինիս առաջարկվել է ծանոթանալ դրա բովանդակությանը և տալ բացատրություն, սակայն հրաժարվել է և ստանալով միայն իր փաստաթղթերը՝ հեռացել է:

Դիմումում նշված հանգամանքների շուրջ պարզաբանումներ տալու նպատակով՝ քաղ. Միսակ Սիմոնյանը հեռախոսակապի միջոցով հրավիրվել է ճՈ, որտեղ ցուցադրվել է

իրավապապտման վերաբերյալ տեսագրությունը, սակայն վերջինս չի ընդունել իր կողմից իրավախախտում թույլ տալու փաստը և խնդրել է քննարկման արդյունքների մասին տալ գրավոր պատասխան:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Միսակ Սիմոնյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Միսակ Սիմոնյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի տեսուչ, ոստիկանության ավագ լեյտենանտ Հ.Սիմոնյանի կազմած վարչական իրավախախտման արձանագրության հիման վրա 27.01.2018թ. կայացված ԱԴ թիվ 438523 որոշումը՝ Միսակ Սիմոնյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան